

吳鞠通先生醫案

吳鞠通醫案

卷五

肺癰

王氏五十六歲
癸亥三月初八日

初起喉痺。為快利藥所傷。致成肺癰。胸中痛。口中燥。喉痺仍未痊。不食不寐。痰氣腥臭。已有成膿之象。脈短而數。寒熱且移。熱於大腸而泄瀉。難愈之證。勉與急急開提肺氣。議千金葦莖湯與甘桔合法。

桔梗二兩

甘草一兩

桃仁五錢

冬瓜仁五錢

苡仁一兩

鮮葦根四兩

水八碗。煮三碗。二煎再煎一碗。分四次服。

堂伯兄

飲火酒。坐熱炕。晝夜不寐。喜出汗寐。誤服枇杷葉麻黃等利肺藥。致傷津液。遂成肺癰。臭不可當。日吐膿二升許。用千金葦莖湯合甘桔湯。

蘆根八兩

苡仁二兩

桃仁兩半

冬瓜仁兩半

桔 梗三兩 生甘草一兩

煎成兩大茶碗。晝夜服過碗半。膿去十之七八。盡劑膿去八九。又服半劑。毫無臭氣。調理脾胃收功。

朱詠
齋
五十餘歲

以己卯年二月初受風。與桂枝湯一帖。風解。膽怯不敢去厚衣。因而汗多。初四五日又受風。溫口渴思涼。脈洪數。先與辛涼輕劑不解。脈又大。汗更多。口更渴。身更熱。因與辛當重劑石膏等一帖。身涼渴止。脈靜。仍膽怯不去厚衣。初十日當大差。坐夜起五更。衣更厚。途間不敢去皮衣。以致重亡津液而成肺癰。與葦莖湯二三兩一帖。服至五七日不應。膿成臭極。加苦蘆葦子五錢。膿始退。未能十分淨盡。後十日又發。膿又成。吐如綠豆汁。濃臭。每吐一碗餘。又於前方加蘆薈三錢。服二帖方平復。以補胃逐痰飲收功。再其人色白體肥。夙有痰飲。未病之前。秋冬兩季。以在上書房行走。早起恐寒。誤服俗傳藥酒方。本不嗜酒。每早強飲數小杯。次年患此恙之由也。

喉痺

劉三十二歲

服弦而長。木氣太旺。與君火結而成喉痺。

荊芥穗二錢

薄荷二錢

元參八錢

銀花六錢

牛蒡子五錢

連翹五錢

馬勃二錢

人中黃二錢

共為粗末。分八包。每一包蘆根湯煎。一時一服。

酒客服弦數。與苦藥清酒中之淫。即於前方內加

桔梗四錢

射干四錢

黃芩四錢

兒茶三錢

煎法如前。

靈

乙丑六月二十日

舌苦邊白中濁。喉腫而痛。頭暈。身熱。脈數。癰氣所干。切戒穀食。急開關竅。用時時輕揚法。

桔梗八錢

人中黃三錢

薄荷三錢

荊芥穗三錢

元參一兩

牛蒡子八錢

黃芩三錢

黃連三錢

馬勃二錢

板藍根三錢

僵蠶三錢

連翹八錢

銀花八錢

鮮荷葉半張

共為粗末。分八包。一時許服一包。蘆根湯煎。

日二十七 舌濁甚。邪之傳化甚緩。於前方內加

黃芩二錢 黃連二錢

日二十八 溼熱厲氣相搏。以成喉痺。舌苔重濁色暗。必得溼氣宣化。而後熱可以解。

蓋無形之邪熱。每借有形之穢濁。以為依附故也。因前法而小變之。

桔梗八錢 人中黃二錢 黃芩五錢 黃連五錢

馬勃五錢 牛蒡子五錢 僵蠶三錢 連翹八錢

銀花八錢 通草三錢 荊芥二錢 杏仁五錢

薄荷三錢 滑石一兩 犀角三錢

共為粗末。分十包。一時許服一包。每服鮮荷葉邊二錢。蘆根三錢。同煎去渣服。

日二十九 喉痛雖止。舌濁未除。脈仍微數。則其中之溼可知。按。靈樞經五臟溫病。以

舌苔專屬之肺。故藥方一以宣通肺氣為主。蓋氣化則溼化。而火亦無依矣。

桔梗三錢 人中黃八分 連翹二錢 銀花二錢

王二十歲
壬午四月十一日

王氏三十人
乙酉五月初二日

初八日
滿氏三十五歲

黃連 錢半
黃芩 二錢
馬勃 人分
通草 一錢
杏仁泥 一錢
滑石 三錢
蘆根 一枝
荷葉 半張
今晚一帖。明早一帖。

溫毒身熱喉痺。滴水不能下咽。已二日矣。與代賑普濟散二十包。先煎一包。銜入口內。仰面浸漬喉瘡。一刻許有稀涎滿口。即控出吐之。再嚙再浸。如上法。嚙至半日。喉即開。得下咽。於是每一包藥煎一碗。咽一半。浸吐一半。三日得快便。喉全消。身熱亦退。育陰而愈。

六脈沉弦而細。純陰之象。喉痛足痺宜溫。
川椒炭 三錢
防己 三錢
桂枝 三錢
肉桂 二錢
茯苓皮 五錢
薑黃 二錢
革薢 五錢
苡仁 五錢
四帖。

喉痛止去肉。桂痰不活加半。夏五錢。
面色青黃。呼吸定息。脈再至而弦緊。食減。經不行。腹中有塊二三枚。長三四寸。肝厥無五日不發。喉痛十數年不休。向來所服之方。非寒涼。即婦科

地芍藥等。以致歷年沉困不休。病勢日重。十二年不孕矣。與苦辛熱法。急回真陽。或者可救。

肉桂錢半 夏薑二錢 川椒二錢 廣皮二錢

吳黃錢半 半 夏三錢

前方服二帖。喉痛減其大半。厥未發。食少進。腹痛減。與前方加

人參錢半 茯苓三錢

前方服四帖。服三至。喉痛止。食大進。腹痛亦減。仍服前方。去夏薑。並減剛

藥分量。

前方服七帖。六服將進至四至。服通補奇經丸一料。半年後受孕。

瘡

但寒不熱。似乎牝瘡。然渴甚。脈數。皮膚捫之亦熱。乃伏暑內發。新涼外加。熱未透出之故。仍用苦辛寒法。加以升提。

杏仁泥三錢 天花粉二錢 薤仁 滑石

吳二十五 癸亥七 日月十六

厚樸二錢

青蒿一錢

苡仁

藿香

鬱金二錢

黃芩一錢

知母

三杯分三次服三帖

但寒不熱之瘧。昨用升提。已出陽分。渴甚。服洪數甚。熱反多。昨云熱邪深伏。未曾透出。不得作真牝瘧者。非虛語也。用苦辛寒重劑。

杏仁粉五錢

滑石三錢

生石膏八錢

知母一錢

薤仁三錢

薤梗三錢

厚樸三錢

黃芩二錢

鬱金三錢

甘草一錢

妊娠七月。每日午後。先寒後熱。熱至戌時。微汗而解。已近十日。此上年伏暑成瘧。由春初升發之氣而發。病在少陽。與小柴胡法。

柴胡五錢

黃芩三錢

炙甘草二錢

半夏四錢

人參二錢

生薑三錢

大棗二枚

一帖。寒熱減。二帖。減大半。第三日用前方三分之一。全愈。

體厚。本有小腸寒。痙。糞後便血。舌苔灰白而厚。中黑。嘔惡不食。但寒不熱。

朱

伊氏
二十二歲
正月初七日

此脾溼瘧也。與劫法。

三十三歲

生蒼朮五錢

生草果三錢

檳榔三錢

生苡仁五錢

杏仁三錢

茯苓五錢

熟附子一錢

黃芩炭二錢

二十八日

前方服三帖而病勢漸減。舌苔化黃。減其製。又三帖而寒來甚微。一以理脾為主。

於朮三錢

蔻仁二錢

益智仁二錢

廣皮三錢

半夏三錢

黃芩炭二錢

苡仁五錢

服七帖而胃開。

佟氏四十歲

少陰三瘧。二年不愈。寒多熱少。脈弦細。陽微。損及八脈。通補奇經丸四兩。服完全愈。

蕭三十三歲

少陰三瘧。久而不愈。六脈弦緊。形寒嗜臥。發時口不知味。不渴。腎氣上泛。面目黧黑。與扶陽湯法。

鹿茸三錢

桂枝三錢

人參一錢

熟附子二錢

蜀漆二錢

當歸三錢

四帖愈。後調脾胃。

鄭五十五歲。脈雙弦。伏暑成瘧。間二日一至。舌苔白滑。熱多寒少。十月之久不止。邪入已深極難速出。且與通宣三焦。使邪有出路。勿得驟補。

四月十九日

杏仁泥四錢

茯苓皮五錢

薑梗三錢

薏仁二錢

知母三錢

半夏三錢

苡仁五錢

黃芩二錢

青蒿一錢

服四帖。

二十六日

加青蒿一錢

服四帖。

初四日

脈緊汗多加

桂枝三錢

服二帖。

初六日

脈已活動。色已華。寒大減。熱亦少減。共計已減其半。汗至足底。時已早至八刻。議去青蒿。加黃芩一錢。舌苔雖減而仍白。餘藥如故。再服四帖。

十四日

三瘧與宣三焦。右脈稍大。熱多汗多。舌苔之白滑雖薄。而未盡化。瘧中生熱。不能驟補。與兩清溼熱。

杏仁泥三錢

知母二錢

通草錢半

薏仁二錢

黃芩二錢

苡仁四錢

黃連一錢

茯苓皮三錢

半夏三錢

十九日

加廣皮炭三錢

霍梗三錢

服四帖。

二十二日

病減者減其製。每日服前方半帖。六日服三帖。

二十九日

病又減。去黃連。加益智仁三錢。以其脈大而尚緊也。仍係六日服三帖。

六月初五日

餘邪未盡。仍六日服三帖。

十二日

三瘧與宣化三焦。十退其九。白苔尚未盡退。今日診脈。弦中兼緩。氣來至緩。是陽氣未充。議於前方退苦寒。進辛溫。

杏仁三錢

益智仁三錢

桂枝三錢

薏仁三錢

黃芩炭三錢

半夏五錢

茯苓五錢

薏梗三錢

四帖。

二十二日

左脈弦緊。右大而緩。舌白未化。瘧雖止而餘溼未消。此方仍服。去

薤仁一錢

黃芩一錢

益智仁一錢

服八帖。

七月初二日

四瘧已止。胃已開。脈已同。陽與平。補中焦。

半夏三錢

薤仁錢半

炙甘草二錢

廣皮炭三錢

生苡仁三錢

茯苓五錢

生薑三片

於朮三錢

大棗二個

服七帖後。可加人參二錢。服至收功。

丸方 瘧後六脈俱弦微數。與脾腎雙補法。

何首烏四兩

茯苓六兩

枸杞子四兩

五味子二兩

沙苑子三兩

山藥四兩

於朮四兩

薤仁五錢

蓮實六兩

人參四錢

蜜丸如桐子大。每服三二錢。開水送下。逢節以人參五分煎湯送。

高

間三痘。脈弦。暑邪深入矣。

十六歲
乙酉六月十六日

杏 仁三錢

青 蒿三錢

茯苓皮三錢

薏 仁一錢

半 夏三錢

柴 胡一錢

藿香葉三錢

黃 芩三錢

知 母二錢

苡 仁三錢

炙甘草一錢

滑 石五錢

生 薑三片

大 棗二個

十八日

診脈數熱重加

知 母二錢

二十日

痘止熱退。去知母、柴胡、青蒿、薑棗。改

藿 梗二錢

減

滑 石二錢

初五日

餘邪已輕。再服數帖。

朱

三十八歲

但寒不熱。舌苔白滑而厚。三四日。灰黑而滑。五六日。黑滑可畏。脈沉弦而

緊。太陰淫痘。與牝痘相參。但牝痘表寒重。此則偏於在裏之寒淫重也。初

起三日。用桂枝、草果、蒼朮、黃芩、茯苓、苡仁、廣皮、猪苓、澤瀉。三四日加附子。

五六日又加草果、蒼朮分量。再加生薑。舌苔始微化黃。惡寒漸減。服至十

姚二十五歲
二三日。舌苔惡寒始退。愈後峻補脾腎兩陽。然後收功。
久瘧不愈。寒多。舌苔白滑。溼氣重也。宜宣通三焦。微偏於溫。

杏 仁五錢 青 蒿二錢 廣 皮二錢 薏 仁三錢

半 夏五錢 苡 仁五錢 草 果錢半 黃 芩錢半

扶苓皮五錢 生 薑二片

八月初三日
前方服六帖。瘧已止。照原方去 草 果 青 蒿 加

滑 石六錢 益智仁三錢

錢二十歲
三瘧兼痺。舌苔白滑。終日一飲。熱時不渴。胸痞。此偏於伏暑中之溼多者也。惟日已久。又加誤補下行。邪已深入為難治。勉與宣通經絡三焦。導邪外出。毋使久羈。

桂 枝三錢 防 己四錢 杏 仁五錢 青 蒿三錢

半 夏三錢 黃 芩三錢 扶 苓五錢 薏 仁二錢

廣 皮三錢 煨草果八分 片薑黃二錢

十五日
聞來札知汗多而寒熱減。舌白滑苔退。食後不飽悶。是伏邪已有活動之

機。但陰瘧發於戌亥時。不見日光。雖屢用升提。使邪外出法。毫不見早。大可慮也。勉與原方內加草果分量。去茯苓。薤仁。再加急走之蜀漆。活血絡之當歸。

- | | | | | |
|-------|------|-------|-------|------|
| 桂枝三錢 | 柴胡三錢 | 半 | 夏三錢 | 青蒿一錢 |
| 防己三錢 | 杏仁四錢 | 黃芩炭三錢 | 廣皮炭三錢 | 當歸三錢 |
| 草果二錢 | 薑黃二錢 | 蜀漆三錢 | | |
| 生苡仁五錢 | | | | |

十二月

閱來札知寒熱遞減而未盡除。停飲痺痛太甚。議減治瘧之品。加宣飲與痺之藥。然大有病退正衰之慮。飲與痺皆喜通不喜守。大忌呆補。奈何。

- | | | | |
|-------|-----------|-------|-------|
| 桂枝五錢 | 減三四帖後手背痛不 | 廣皮五錢 | 防己四錢 |
| 青蒿二錢 | 柴胡三錢 | 寒熱如再減 | 山甲片一錢 |
| 蜀漆二錢 | 則去之 | 生苡仁五錢 | 人參一錢 |
| 生薑三錢 | 半 | 夏六錢 | 煨草果二錢 |
| 片薑黃三錢 | | 茯苓皮五錢 | |

初十日

煎四大茶杯。分四次服。七日必須來信。

以後忽寒忽熱。已非呆於寒熱者可比。十五日寒大減。十八日寒熱又減。二十日申酉時似發非發。俱屬佳處。但手背之痛。左甚於右。伏邪甚深。腹左之塊。即係瘰母一類。不過脅腹之別耳。合觀寒多熱少。當與補陽議於原方內減柴胡青蒿。加桂枝。其人參似非高麗參可比。蓋人生世上不可留後悔也。其瘰母每日空心服化癥回生丹一丸。開水送下。蓋化癥丹中。原有鼈甲煎丸在內也。即久病在絡。亦須用之。又天士先生云。三時熱病。病久不解者。每借芳香以爲搜逐之用。此證猶在畏途。不可隨便飲嗽也。於前方內減

桂枝一錢

青蒿錢半

柴胡錢半

加

伏暑自上年八月而來。邪已深入。三日一作。寒多熱少。亦宜通宣三焦爲要法。

青蒿三錢

薤仁一錢

蜀漆一錢

桂枝三錢

杏仁二錢

黃芩錢半

苡仁三錢

柴胡錢半

楊二十四
歲丙戌二
月十一
日

服一帖而寒退。熱反多。此陰邪已化熱。去柴胡桂枝。重用通宣三焦。加廣皮半夏以和脾胃。

傷寒

太陽中風。尚未十分清解。兼之溼痺脾痛。

桂枝四錢

厚樸二錢

礬砂三錢

杏仁三錢

防己三錢

茯苓皮五錢

薑黃二錢

炙甘草錢半

廣皮錢半

二帖。

初二日

行經絡而和脾胃。則風痺自止。

桂枝八錢

白芍四錢

半夏五錢

防己六錢

炙甘草三錢

生白朮五錢

生薑五片

大棗二個

初五日

水八杯。煮三杯。分三次服。頭一次啜稀粥。令微汗佳。二三次不必食粥。左脈沈緊。即於前方加

熟附子五錢

初六日

脈洪大而數。經絡痛雖解而未盡除。痺也。小便白而濁。溼也。

桂枝三錢

澤瀉三錢

黃柏炭一錢

通草三錢

杏仁五錢

滑石五錢

苡仁五錢

茯苓皮五錢

猪苓三錢

初九日

昨服開肺與大腸痺法。溼滯已下。小便亦清。但大便與瘕中微有血跡。證從寒溼化熱而來。未便即用柔藥以清血分。今日且與宣行腑陽。右脈仍見數大。可加苦藥。如明日血分未清。再清血分未遲。

杏仁泥三錢

黃柏炭一錢

黃芩炭二錢

陳皮錢半

苡仁五錢

半夏三錢

滑石五錢

厚樸二錢

細蘇梗一錢

頭煎兩杯。二煎一杯。分三次服。

初八日
舌苔仍有新白。衣被稍薄則畏寒。身熱已退。陽虛溼氣未盡無疑。

桂枝三錢

苡仁五錢

白芍二錢

陳皮錢半

半 夏五錢

生茅朮二錢

杏 仁三錢

厚 樸二錢

全當歸錢半

煎服均如前法。二帖。

初十日

諸證向安。惟營氣與衛不和。寐不實。寐後自覺身涼。以調和營衛為主。

桂 枝三錢

苡 仁五錢

大 棗二個

白 芍三錢

陳 皮錢半

炙甘草二錢

半 夏六錢

生 薑三片

茯 苓三錢

六帖。

十六日

營衛已和。即於前方內加

膠 飴三錢

白 芍二錢
成五錢

七帖而安。

唐氏
三十八

太陽中風漏汗。桂枝加附子湯主之。

歲

桂 枝六錢

熟附子三錢

炙甘草三錢

焦白芍四錢

生 薑三片

大 棗三個

黃三杯。分三次服。

十七日

中風漏汗。兼之腎水上凌心。心悸腹痛。昨用桂枝加附子湯。諸症悉退。今左脈沈緩。右脈滑。表雖清而濁陰未退。議芩桂伐腎邪。歸茴溫衝脈。吳萸半夏生薑兩和肝胃。白芍以收陰氣。合桂枝而調營衛。加黃芩以清風化之熱。合諸藥為苦辛通法。此外感之餘。兼有下焦裏證之治法也。

桂枝四錢

全當歸三錢

小茴香三錢

半夏四錢

吳萸三錢

青皮錢半

焦白芍二錢

茯苓五錢

黃芩炭一錢

生薑三片

甘瀾水煎成三杯。分三次服。

十九日

脈緩濁陰久居。兼有滯物積下。用藥仍不外苦辛通法。稍加推蕩之品。因其勢而利導之。大意通補陽明之陽。正所以驅濁陰之陰。若其人陽明本旺。胃陰自能下降。六腑通調。濁陰何以能聚。再胃旺自能坐鎮中州。濁陰何以能越胃而上攻心下。反覆推求。病情自見。

淡吳萸三錢

小茴香三錢

桂枝尖四錢

厚樸三錢

川棟子二錢

黃芩炭一錢

小枳實錢半

烏藥二錢

青皮錢半

廣木香一錢

焦白芍二錢

陳皮一錢

茯苓三錢

二十二日

凡痛脹滯下必用苦辛通法兼護陽明固不待言前法業已見效細詢病已十餘年以半產後得之誤用壅補成之按久病在絡再痛脹偏左下至少腹板着其中必有瘀滯非純用湯藥所能成功蓋湯者盪也滌盪腸胃和通百脈固其所長至於細雕密鏤緩行橫絡是其所短非兼用化癥回生丹緩通不可且陽劑過重有癥散為蟲之虞不得不思患預防也

桂枝尖一錢

烏藥錢半

厚樸一錢

全當歸炒黑錢

半夏五錢

地榆炭一錢

小茴香二錢

川棟子二錢

黃芩炭一錢

白芍二錢

黃連八分

廣皮炭八分

兩頭尖二錢

廣木香八分

桃仁錢半

紅花七分

鬱金一錢

降香末二錢

甘瀾水煎前後四杯日三夜一分四次服四帖

昔李東垣有方用藥至三十餘味者。張仲聖健胃煎丸。亦有三十幾味。後人學問不到。妄生議論。不知治經治以急。急則用少而分量多。治絡治以緩。緩則用多而分量少。治新則用急。治舊則用緩。治急可用獨。治舊必用衆。獨則無推諉而一力成功。衆則分功而互相調劑。此又用藥多寡之權衡也。

兼服化癥回生丹一粒。

日二十七

宣絡法兼兩和肝胃。

全當歸三錢

製香附二錢

小茴香三錢

半夏三錢

川芎五分

青皮八分

丹皮三錢

沙苑子三錢

白芍六錢

日二十八

寐仍不實。於前方內加

半夏二錢

生苡仁六錢

服三帖。

初二日

案仍前。

全歸三錢

製香附錢半

乾薑炭五分

小茴香三錢

降香末二錢

高良薑二分

青皮八分

廣皮炭八分

烏藥二錢

半夏五錢

桃仁泥錢半

三帖。

初五日

絡瘀多年。腹痛脹攻胃。食後腹脹。今搜去絡中瘀滯。飢甚則如刀刮竹。絡氣虛也。與通補絡法。

歸身三錢

龍眼肉三錢

白芍六錢

杞子三錢

丹皮三錢

小茴香一錢

丹參三錢

九帖全愈。

吳氏

二十三

二月二

十一日

頭項強痛而惡寒。脈緩有汗。太陽中風。主以桂枝湯。

桂枝三錢

白芍二錢

炙甘草二錢

生薑三錢

大棗二個

水五杯。煮二杯。第一杯服後。即食稀熱粥。令微汗佳。有汗二杯。不必食粥。無汗仍然。

二十四日 不解於前方內加

羌活五錢

二十五日 服前方已脈靜身涼不肯避風因而復中脈緊無汗用麻黃湯法。

麻黃三錢

羌活三錢

桂枝三錢

白芍三錢

炙甘草二錢

生薑三片

大棗二個

煮二杯分二次服。

二十六日 服前藥不知身重疼痛其人肥而陽氣本虛平素面色淡黃舌白溼氣又重非加助陽勝溼之品不可於前方內加

麻黃五錢

桂枝二錢

炙甘草一錢

杏仁三錢

白朮五錢

熟附子三錢

唐五十九歲 頭痛惡寒脈緊言寒肢冷舌色淡太陽中風雖係季春天氣早間陰晦雨氣甚寒以桂枝二麻黃一法。

麻黃三錢

桂枝六錢

炙甘草三錢

杏仁五錢

三月十六日

生薑六片 大棗二個

表三杯得微汗止後服不汗再服不汗促役其間。

十八日 原方倍麻黃減桂枝加

附子三錢

二帖。

十八日 原方再服一帖。

十九日 諸證悉減藥當暫停以消息之。

二十日 中風表解後言寒減食則汗頭行痛舌白滑脈微緊宜桂枝加附子湯除風實表護陽。

桂枝六錢

白芍四錢

炙甘草二錢

附子三錢

生薑五片

大棗二個

水五杯煮二碗分二次服渣再煮一碗服。

二十一 日 表解後復中惡寒胸結舌苔厚而白脈遲緊裏急。

桂枝六錢

蒼朮三錢

附子四錢

乾薑三錢

苡仁五錢 茯苓五錢 厚樸三錢 枳實二錢

陳皮二錢

日二帖

二十二 於前方內加

炙甘草二錢

生薑二兩

去

茯苓減

苡仁

日二帖

二十三

諸證悉衰。當減其製。照前日方。日一帖。

二十四

中風表解後。餘邪入裏。舌黃身熱。胸痞。議瀉心湯瀉其痞。

乾薑五錢

生薑五錢

黃芩五錢

黃連二錢

半 夏六錢

頭煎二杯。二煎一杯。分三次服。

先寒後熱。脅痛腰痛。少陽證也。議從少陽領邪外出太陽法。

柴胡六錢

黃芩三錢

黨參三錢

桂枝四錢

半 夏六錢

炙甘草三錢

羌活三錢

生薑三片

寒熱後。寒退熱存。脅脹。

半 夏五錢

炙甘草錢半

陳皮炭錢半

生 薑三錢

黃 芩四錢

香 附三錢

鬱 金二錢

大 棗二個

張
二十五日

今年風木司天。現在寒水客氣。故時近初夏。猶有太陽中風之症。按太陽中風。係傷寒門中第一關。最忌誤下。時人不讀唐晉以上之書。故不識症之所由來。仲景謂太陽至五六日。太陽證不罷者。仍從太陽驅出。宜桂枝湯。現在頭與身仍微痛。既身熱而又仍惡風寒。的是太陽未罷。理宜用桂枝湯。但其人素有淫熱。不喜甘。又有微欬。議於桂枝湯內去甘藥。加辛燥。服如桂枝湯法。

桂 枝六錢

陳 皮三錢

白 芍四錢

半 夏四錢

杏 仁三錢

二十六日

太陽中風。誤下胸痞。四五日。太陽症未罷。昨用太陽證仍在例之桂枝法。今日惡寒已罷。頭目已清。惟胸痞特甚。不渴。舌白而壯熱。泄瀉稀水頻仍。仲景法云。病發於陽而誤下成胸痞者。瀉心湯主之。今用其法。再經謂脈

不動數者為不傳經也。昨日已動數太甚。斷無不傳之理。可畏在此。

乾薑五錢

茯苓連皮五錢

半夏五錢

生薑三片

黃連三錢

日二十七

太陽中風誤下。前日先與解外。昨日太陽證罷。即瀉胸痞。今日胸痞解。惟自利不渴。舌灰白。脈沉數。經謂自利不渴者。屬太陰也。太陰宜溫。但理中之甘草人參。恐不合拍。議用其法而不用其方。

乾薑五錢

半夏六錢

蒼朮炭四錢

生薑四錢

陳皮炭二錢

茯苓連皮一兩

日二十八

太陽中風。先與解外。外解已。即與瀉誤下之胸痞。痞解而現自利不渴之太陰證。今日口不渴而利止。是由陰出陽也。脈亦頓小。其半。古云脈小則病退。但仍沈數。身猶熱而氣粗不寐。陷下之餘邪不淨。仲景傷寒論謂真陰已陽邪尙盛之不寐。用阿膠雞子黃湯。按此湯重用茯苓。連。議用甘草瀉心法。

甘草三錢

黃芩四錢

半夏五錢

黃連三錢

二十九日

生薑三錢 大棗二個 茯苓三錢
脈沉數。陰經熱。陽經不熱。是陷下之餘邪在裏也。氣不伸而噦。噦者傷寒門中之大忌也。皆誤下之故。議少用丁香柿蒂湯法。加苓連以徹裏熱。疏逆氣。

公丁香二錢 黃芩三錢 柿蒂九個 黃連一錢

陳皮二錢 薑汁三匙

初一日

誤下成胸痞。自利。兩用瀉心。胸痞自利俱止。但陷下之邪。與受傷之胃氣。搏而成噦。昨用丁香柿蒂湯。去人參加苓連。方雖易。仍不外仲聖苦辛通降之法。病者畏而不服。今日噦不止。而左脈加進。勉與仲聖噦門中之橘皮竹茹湯。其力量降前方數等矣。所以如此用者。病多一日。則氣虛一日。仲聖於小柴胡湯中。即用人參。况誤下中虛者乎。

陳皮六錢 生薑五錢 炙甘草四錢 竹茹五錢

大棗四枚 半夏三錢 人參二錢如無

十七日

誤下中虛。氣逆成噦。昨與金匱橘皮竹茹湯。今日噦減過半。古謂效不更

方仍用前法。但微喘而舌苔白。仲聖謂喘家加厚樸杏子佳。議於前方內加

厚樸二錢 杏仁三錢 柿蒂三錢

十九日

誤下之陷證。噦而喘。昨連與橘皮竹茹湯。一面補中。一面宣邪。茲已邪潰。諸惡候如失。脈亦漸平。但其人中氣受傷不淺。議與小建中湯加橘皮半夏。小小建立中氣。調和營衛。兼宣胃陽。令能進食安眠。

白芍六錢 生薑三片 半夏四錢 桂枝四錢

大棗二枚 陳皮一錢 炙甘草三錢 飴糖 一兩去渣後化攪勻再上火二三沸

煮三杯。三次服。

病解後微有飲。議與小建中去飴糖。加

半夏 陳皮 茯苓 苡仁

薏仁 杏仁

初六日

病後兩服建中。胃陽已復。脾陽不醒。何以知之。安眠進食。是胃陽起。舌起白滑苔。小便短。大便不解。脈乍數。是脾陽未醒。而上蒸於肺也。議與宣利

三焦法。以醒脾陽。

杏 仁 五錢

半 夏 五錢

扶 苓 五錢

陳 皮 三錢

苡 仁 五錢

枳 實 三錢

通 草 一錢

益智仁 一錢

初八日 大小便已利。脈仍洪數。舌白滑。苔未除。仍宜苦辛淡法。轉運脾陽。宣行經熱。

杏 仁 三錢

蒼朮炭 三錢

薏 仁 三錢

黃芩炭 二錢

陳 皮 三錢

黃柏炭 三錢

茯苓皮 五錢

半 夏 五錢

苡 仁 五錢

十一日 脈仍沈數。舌苔反白滑。仍宜建中行溼以除伏邪。溼最傷氣。非溼去氣不

得健。與急劫溼法。

薏 仁 三錢

黃芩炭 二錢

杏 仁 三錢

陳 皮 三錢

黃柏炭 二錢

半 夏 五錢

益智仁 二錢

苡 仁 五錢

煨草果 四錢

製蒼朮 四錢

茯苓皮 五錢

麥三杯。周十二時服完。

苡仁五錢
公丁香一錢
吳萸二錢
益智仁二錢

半夏五錢

二帖。

二十二日
背仍痛。原方加

高良薑一錢
吳萸一錢
桂枝五錢

再服四帖。

二十七日
已效。陰氣未退。再服三帖。分四日服完。

五月初三日
痛減。嘔與泄瀉俱止。減川椒萸薑之半。再服六帖。

十三日
陰未化。陽自不復。且心下堅大如盤。脈如故。前方再服。

姚
燥金感後。所傷者陽氣。何得以大劑熱地補陰。久久補之。陽氣困頓。無怪

乎不能食而嘔矣。六脈弦緊。豈不知脈雙弦者寒乎。

乙酉四月二十一日
川椒炭三錢
陳皮三錢
半夏五錢
乾薑二錢

茯苓五錢
公丁香八分
生薑三錢
苡仁五錢

初二日
加桂枝三錢
乾薑一錢
減川椒之半。

十一日

嘔痛皆止。飲食已加。惟肢軟無力。陽氣太虛。加甘草合前辛藥。為辛甘補陽方法。

二十一日

復感燥氣。嘔而欲瀉。於前方內去甘藥。加分量自愈。六脈弦細如絲。陽微之極。

川椒炭三錢

陳皮三錢

吳萸三錢

乾薑三錢

茯苓五錢

半夏五錢

桂枝五錢

公丁香錢半

生薑五錢

二十七日

諸症皆效。脈稍有神。於原方內去吳萸丁香之剛燥。加苡仁之平淡。陽明從中治也。

李

四十六

歲

乙酉

四月

十六日

胃痛脅痛。或嘔酸水。多年不愈。現在六脈弦緊。皆起初感燥金之氣。金來克木。木受病。未有不克土者。土受病之由來。則自金克木始也。此等由外感而延及內傷者。自唐以後無聞焉。議變胃而受胃變法。即用火以克金也。又久病在絡法。

公丁香一錢

茯苓五錢

枳實四錢

川椒炭三錢

苡仁五錢

生薑五錢

半夏五錢

陳皮三錢

四帖。

二十三日

復診仍用原方四帖。

五月初二日

現在胃痛脅痛吐酸之證不發。其六脈弦緊不變。是胸中絕少太和之氣。議轉方用溫平。剛燥不可以久任也。

桂枝四錢

茯苓五錢

生薑三錢

陳皮三錢

大棗二枚

炙甘草二錢

半夏五錢

乾薑二錢

苡仁五錢

白芍四錢

服之如無弊。可多服。

十一日

診脈已回陽。去乾薑。減桂枝之半。

二十四日

復診脈仍緊。原方加

益智仁二錢

服三帖愈。

余

胃痛脅痛。脈雙弦。午後更甚者。陽邪自旺於陰分也。

五十二歲五月初二日

川椒炭三錢

陳皮三錢

公丁香錢半

降香末三錢

香附三錢

查炭二錢

吳萸二錢

青皮二錢

青橘葉三錢

半夏五錢

苡仁五錢

接服霹靂散。

十七日

復診病稍減。脈仍緊。去

查炭

橘葉

及川椒炭一錢

加

枳實三錢

二十四日

脈之緊者稍和。腹痛已止。唯頭暈不寐。且與和胃令寐。再商後法。

半夏一兩

苡仁一兩

茯苓五錢

枳實三錢

煮三杯。分三次服。以得寐為度。如服二帖後仍不寐。可加半夏至二兩。

再服一帖。

感受金涼。胸痺頭痛。脈弦細而緊。

譚四十七歲五月初二日

薤白三錢

川椒炭三錢

厚樸二錢

桂枝三錢

陳皮三錢

高良薑二錢

半夏三錢

苡仁五錢

生薑五片

大棗二箇

二帖。

十八日

燥氣雖化。六脈俱弦。舌苔白滑。用陽明從中治法。與苦辛淡法。最忌酸甘。

半夏四錢

苡仁五錢

香附三錢

茯苓四錢

乾薑錢半

益智仁二錢

陳皮三錢

薏仁錢半

川椒炭二錢

二十一日

脈仍弦緊。熱藥難退。欬嗽減。效不更方。右脅微痛。加

香附三錢

二十三日

右脅微痛。脈弦緊如故。加

蘇子霜三錢

降香末三錢

旋覆花三錢

二十六日

脅痛咳嗽皆止。痰尚多。脈弦未和。於前方內去

香附 蘇子霜

降香 旋覆花 加

桂枝四錢

乾薑二錢半

以充其陽氣。行痰飲。和弦脈。

霹靂散方

主治中燥吐瀉腹痛。甚則四肢厥逆轉筋。腰痛肢麻。起臥不安。再甚則六脈全無。陰毒發斑。疔癰等症。並一切凝寒痼冷積聚。寒輕者不可多服。寒重者不可少服。以愈為度。非實在純受燥淫寒三氣陰邪者不可服。

桂枝六兩

公丁香二兩

草果二兩

川椒炭五兩

水菖蒲二兩

青木香四兩

吳萸四兩

防己三兩

檳榔二兩

降香末五兩

附子三兩

小茴香四兩

薤白四兩

苡仁五兩

五靈脂二兩

高良薑三兩

萆澄茄五兩

細辛二兩

烏藥三兩

乾薑三兩

雄黃五錢

右藥共為細末。開水和服。大人每服三錢。病重者五錢。小兒減半。病甚重者連服數次。以痛止厥回。或瀉止筋不轉為度。方論按內經有五疫之稱。五行偏勝之極。皆可致疫。雖癘氣之至。多見火證。而燥金寒淫之疫。亦復時有。著風火暑三者為陽邪。與穢濁異。

趙

氣相參。則爲溫厲。溼燥寒三者爲陰邪。與穢濁異氣相參。則爲寒厲。現在見證多有肢麻轉筋手足厥逆吐瀉腹痛脅肋疼痛。甚至反惡熱而大渴思涼者。經謂霧傷於上。溼傷於下。此症乃燥金寒溼之氣直犯筋經。由大絡別絡內傷三陰臟真。所以轉筋入腹卽死也。既吐且瀉者。陰陽逆亂也。諸痛者。燥金寒水之氣所搏也。其渴思涼飲者。少陰篇謂自利而渴者。屬少陰。虛則飲水求救也。其頭面赤者。陰邪上逼。陽不能降。所謂戴陽也。其周身惡熱喜涼者。陰邪盤踞於內。陽氣無附欲散也。陰病反見陽證。所謂水極似火。其受陰邪尤重也。諸陽證畢現。然必當臍痛甚拒按者。方爲陽中見純陰。乃爲真陰之證。此處斷不可誤。故立方會三陰經剛燥溫熱之品。急溫臟真。保住陽氣。又重用芳香。急驅穢濁。一面由臟真而別絡大絡外出筋經。經絡以達皮毛。一面由臟絡腑絡以通六腑。外達九竅。俾濁穢陰邪一齊立解。大抵皆扶陽抑陰。所謂麗照當空。羣陰退避也。

感受燥金之氣。腹痛甚。大嘔不止。中有蓄水。誤食水果。

三十人
歲七月二
十四日

公丁香三錢

半夏一兩

茯苓皮五錢

生薑一兩

川椒炭六錢

烏梅肉三錢

吳萸四錢

陳皮五錢

高良薑四錢

枳實三錢

水五碗煎二碗渣再煎一碗另以生薑一兩煎湯一碗候藥稍涼先服薑湯一口接服湯藥一口少停半刻俟不吐再服第二口如上法以嘔止痛定為度

二十五日

燥氣腹痛雖止當臍仍堅按之微痛舌苔微黃而滑周身筋骨痛脈緩陽明之上中見太陰當與陽明從中治例

桂枝六錢

川椒炭二錢

生薑三錢

白芍三錢

公丁香一錢

防己三錢

苡仁五錢

茯苓六錢

半夏五錢

蜜三杯分三次服服此身痛止

二十六日

脈小於前身痛已止六脈未和舌黃滑苔

半夏五錢

生薑三錢

薤仁錢半

茯苓五錢

陳皮三錢

厚樸錢半

苡仁五錢

大腹皮三錢

川椒炭錢半

二十八日

腹脹如故不寐。加

半夏一兩

初一日

太陽痺。

桂枝六錢

茯苓皮五錢

茅朮炭三錢

防己四錢

通草一錢

片薑黃三錢

杏仁五錢

苡仁五錢

滑石六錢

蠶砂三錢

初六日

腹脹停飲。前方內去朮之守。加苦辛之通。又去滑石。

大腹皮三錢

厚樸三錢

枳實三錢

陳皮三錢

初十日

六脈俱弦。胃口不開。腹脹肢倦。宜通六腑。即勞者溫之之法也。

桂枝六錢

大腹皮三錢

川椒炭三錢

陳皮五錢

益智仁三錢

半夏五錢

枳實二錢

茯苓五錢

厚樸二錢

服五帖而愈。

張女
十五歲

燥金之氣直中入裏。六脈全無。僵臥如死。四肢逆冷。已過肘膝。骸痛轉筋。與通脈四逆湯加川椒吳萸丁香一大劑。厥回脈出一晝夜。次日以食粥太早。復中如前。脈復厥體又死去矣。仍用前方。重加溫藥一劑。厥回其半。又二帖而無活。後以補陽收功。

顧
五十歲

直中燥氣。嘔少瀉多。四肢厥逆。無脈。目開。無語。睛不轉。與通脈四逆湯加人參川椒吳萸丁香

楊
室女
五十歲

一帖而效。三帖脈漸復。重與補陽而愈。脅痛心煩懊懣。拘急肢冷。脈弦細而緊。欲坐不得坐。欲立不得立。欲臥不得臥。隨坐即欲立。剛立又欲坐。坐又不安。一刻較一刻脈漸小。立刻要脫。與霹靂散不住灌之。計二時。服散約計四兩而稍定。後與兩和脾胃而全安。

鄭
二十六歲

先是三月初九日。得太陽中風。與桂枝湯已愈。十二日晚已臥。下身有微汗。因廚房不戒於火。只穿小汗褂一件。未着襪。出外救火。火熄復臥。覺身

多
十六歲

微熱惡寒。腹中脹痛。脈弦數。與桂枝柴胡各半湯。汗出稍輕。究不能解。以後外雖化熱。面赤汗多如溫病狀。以當臍之痛未休。舌白不燥。斷不敢用辛涼。而辛溫之藥。或進或退。十日不解。至二十四日反重用溫熱。佐以黃連三錢。次日表證裏證。一齊俱解如失。後與調理脾胃兩陽而安。燥淫表裏俱病。面赤身熱。舌黃燥渴。六脈洪數而緊。大便閉。小便短。通體全似火證。只有當臍痛拒按。此為陽中之陰。乃為真陰與苦熱芳香。一劑而熱退。減輕分量。三帖而病全失矣。

痙 太陽所至

溫
癸亥二
月二十
九日

六十日之幼孩。痙已二十餘日。現在脈不數。額上涼汗。並無外感可知。乃雜藥亂投。致傷脾胃。故乳食有不化之形。恐成柔痙。俗所謂慢脾風。議議中焦。乃實土制風法。又肝苦急。急食甘以緩之義也。

明天麻三錢

乾薑二錢

茯苓五錢

廣木香五分

炙甘草三錢

生苡仁五錢

焦於朮錢半

煨肉果一錢

煨薑一片

甘瀾水五茶杯。煎成兩茶杯。小兒服十之一二。乳母服十之八九。渣再煎一茶杯。服如前。

三月初一日

赤子不赤而刮白兼青。脈遲涼汗。舌苔白滑而厚。食物不化。洞泄者必中寒。按症必因於溼。古所謂柔症是也。議從中治。經謂有者求之。無者求之。此症全無風火之象。純然虛寒。乳中之溼不化。土愈虛則肝中內風愈動。若不崇土而惟肝是求。恐日見窮蹙矣。

人參四分

廣皮炭三分

廣木香五分

生於朮一錢

焦白芍一錢

煨肉果五分

炙甘草一錢

明天麻三錢

生苡仁一錢

初二日

風溼相搏。有汗為柔症。形若反弓者。病在太陽。俯視目珠向下者。病在陽明。以陽明為目下綱也。今久病為雜藥困傷脾胃。大便泄。乳食不化。為溼多風少。症時俯時多。為病在陽明。故此症以脾胃為主。議補中益氣法。溼瀝下行。內用風藥。領邪外出。

人參三分

桂枝二分

茯苓塊三錢

白朮一錢

葛根二分

山藥一錢

炙甘草五分

生苡仁一錢半

焦白芍一錢

初三日

寒溼柔痙。昨用升陽益氣法。從陽明提出太陽。茲精神倍昔。顏色生動。舌上白濁化淨。大便已實。甚為可喜。但痙家有炙瘡者難治。

人參三分

茯苓塊一錢

嫩桂枝三分

生於朮一錢

焦杭白芍一錢

葛根二分

廣皮炭二分

蓮子三粒去心不

生苡仁一錢

炙甘草五分

初四日

痙家自汗。有炙瘡者難治。刻下且住脾胃。從脾胃中立以條連四肢。是久痙一定之至理。若鏤治其痙。是速之也。

人參三分

廣皮三分

桂枝二分

茯苓塊一錢

焦於朮八分

煨肉果三分

生苡仁一錢

炙甘草八分

訶子肉煨五分

茅朮炭六分

初五日

痙家為苦寒所傷。脾陽下陷。又有炙瘡。其痙萬萬不能即愈。議護中陽。勿

致虛脫為要。非深讀錢仲陽、陳文仲、薛立齋、葉天士之書者。不知此恙。

人參四分

訶子肉 六分

白芍二錢

於朮 一錢

桂枝三分

廣木香 四分

茯苓一錢

煨肉果 六分

廣皮炭 三錢

炙甘草 八分

苡仁 錢半

濃煎。

初七日

脈仍不數。大便猶溏。但舌苔微黃。神氣漸復。不似前虛寒太甚之象。宜退剛藥。少進柔藥。醫經謂上守神。粗守形。兵法謂見可而進。知難而退。此之謂也。

人參三分

麥冬 一錢

茯苓一錢

整蓮子 一錢

於朮 一錢

白芍 一錢

炙甘草 七分

陳皮 四分

初九日

諸證漸退。神氣亦佳。但舌上復起重濁之白苔。乳溼之過。暫停參藥。且用疏補法。

生苡仁 錢半

整蓮子 一錢

麥冬 一錢

厚樸 五分

茯苓一錢

焦神麩 八分

木香 四分

廣皮炭 五分

張
十三歲
乙酉六
月初三
日

脈沈細而弱。舌苔白滑。幼童體厚。純然溼邪致。症一年有餘。

蒼朮炭三錢

雲苓皮五錢

川椒炭三分

白蔻仁一錢

生苡仁六錢

廣皮三錢

桂枝三錢

四帖。

初八日

症發來漸稀。效不更方。

八帖。

十六日

脈至沈至細至緩。舌白滑甚。溼氣太重。故效而不愈。於前方中加劫溼而通補脾陽之草果。調和營衛之桂枝、白芍、甘草。

五帖。

二十一日

症脈沈細。舌白滑。與溼淡法。發來漸稀。未得除根。於前方內去剛燥。加化痰。

桂枝四錢

苡仁五錢

半夏六錢

白芍三錢

益智子二錢

炙甘草一錢

廣皮三錢

雲苓五錢

薑汁三匙

二十五日 服前方四帖已效。舌苔仍然白滑。六脈陽微。照前方再服四帖。
二十九日 前方已服四帖。諸症皆安。惟痰尚多。再四帖。
七月初九日 前方又服九帖。瘰癧只發一次甚輕。已不嘔吐。痰尚多。脈甚小。照前方再服。

癰瘰少陽所至

陳十五歲
乙丑六月二十
五日

病久陰傷已極。骨瘦如柴。又加卒然中暑。中熱氣。舌絳芒刺。唇乾液涸。無怪乎瘰癧神昏。十指蠕動。危險之至。以脈尚浮弦而芤。勉與一面大隊填陰兼鹹以止厥法。先與紫雪丹二錢。涼水和服。共服六錢。

白芍五錢

細生地三錢

犀角五錢

羚羊角三錢

麻仁二錢

炙甘草二錢

阿膠三錢

生龍甲五錢

牡蠣五錢

濃煎。緩緩服。

二十八日

神識未清。間有謔語。

七月初一日

炙甘草六錢

麥冬入心

直大生地八錢

生龍甲五錢

阿膠三錢

麻仁三錢

犀角五錢

生白芍五錢

邪少虛多用復脈已當。但舌上黑苔未化。宿糞未見。兼加潤法。

生白芍六錢

炙甘草四錢

麥冬六錢

直大生地八錢

阿膠三錢

麻仁五錢

犀角五錢

生龍甲六錢

元參二兩

交成三杯。分三次服。

初五日

服前藥五帖。見宿糞碗許。黑苔已化。但神識尚未十分清楚。用三加復脈加犀角。即於三甲復脈湯內加

犀角四錢

初八日

神識仍未清楚。湯藥照前。間服牛黃丸三九。

燥氣化火。壯熱舌黃。脈數。瘧瘕而厥。法宜清涼解肌。切忌發表。

薄荷二錢

羚羊角三錢

杏仁四錢

連翹六錢

銀花八錢

丹皮三錢

生甘草二錢

牛蒡子三錢

陳三歲九月十六日

十七日

共爲粗末。分五包。一時許服一包。蘆根湯煎。去渣服。
燥氣化火。身壯熱渴甚。於前方內加煨石膏。炒知母。麥冬。去牛蒡。薄荷。丹
皮。羚羊。

苦桔梗六錢

黃芩二錢

煨石膏五錢

炒知母錢半

麥冬二錢

細生地二錢

銀花二錢

連翹二錢

苦桔梗一錢

生甘草八分

杏仁一錢

黃芩一錢

岳八個月
六月二十八日

未及歲之兒。瘟毒頭腫。癰凝而厥。壯熱氣促。脈極數大。恐真陰不勝陽邪。
先以普濟消毒飲宣毒外出。必去升麻柴胡之直升少陽陽明者。加犀角。
羚羊。瀉心膽之熱。

連翹六錢

大力子六錢

薄荷二錢

人中黃二錢

苦桔梗三錢

芥穗二錢

元參五錢

馬勃三錢

天蟲三錢

銀花六錢

鮮荷葉一張

鮮蘆根一兩煎
代水

共爲細末。分八包。一時許服一包。

吳三歲
六月初
九日
尹十五歲

犀角四錢
羚羊角四錢另包
不必研

於前藥每包加五分同煎。

辰刻以跌撲驚後癰瘰。至戌正始醒。醒後身大熱。口渴。脈數。舌無苔。用復脈湯六帖。熱退脈靜。又服二帖而安。
卒中暑風癰瘰口歪。四肢抽掣。頭微痛。與清少陽膽絡法。

羚羊角
連翹
生甘草
桑葉

薄荷
苦桔梗
茶菊
銀花

勾藤
丹皮

五帖全愈。

百五歲

痘後餘邪入少陽陽明二絡。但唇口與眼皮癰瘰。致飲食不能收合。每從口張時隨落出。四肢不舉。與清二經之絡法。

苦桔梗
丹皮
連翹
生甘草

細生地
銀花
桑葉
麥冬
心不去

鉤藤
刺蒺藜
茶菊

先服湯藥數帖。後以三十帖作散。每日早晚中三次。各服二錢。服至半年方愈。

食積

金男
四歲

幼孩手心熱。舌苔厚濁。嘔吐。食積也。法當和胃而醒脾。宜降不宜升。

藳梗二錢

焦 麵 錢半

白豆蔻 錢三

半 夏 二錢

雞內金 一錢

廣皮炭 一錢

苡 仁 錢二

厚 樸 錢半

煨 薑 片二小

十三日 熱退脈平。以調理脾胃為主。

白 朮 錢二

廣皮炭 六分

白扁豆 一錢

茯苓塊 三錢

神 麩 錢一

半 夏 一錢

厚 樸 六分

山 藥 錢一

二十三日 泄久脾虛。將成滯下。

厚 樸 二錢

生苡仁 三錢

廣皮炭 錢半

焦神麩 二錢

雲苓塊 二錢

益智仁 錢五

廣木香 八分

雞內金 二錢

陶二歲
乙酉七
月初二
日

黃芩炭八分 焦白芍一錢
幼童手心熱甚。舌微黃。身微熱。體瘦。神不足。防成疳疾。與疏補中焦兼之消食。

生苡仁三錢

厚 樸八分

焦神麴二錢

廣皮炭一錢

雞內金一錢

雲苓塊三錢

益智仁七分

煮二小杯。分三次服。三帖而愈。

疳疾已久。若不急講調理飲食。則不可為矣。用藥以疎補中焦立法。

茯苓四錢

雞內金二錢

廣木香一錢

益智仁錢半

厚 樸二錢

查 炭錢半

半 夏三錢

橘皮炭二錢

脈大浮取弦數。脾虛食滯。疳疾將成。大便頻仍。面腫腹大。與溫宣中焦法。

益智仁錢半

黃芩炭錢半

橘 皮二錢

茯苓皮三錢

神 麴三錢

半 夏三錢

苡 仁四錢

薤 仁一錢

大便後見血。乃小腸寒溼。加黃土湯法。

於前方內。去薤仁。加蒼朮炭三錢

熟附子二錢

中黃土四錢

二十八
日

繼男
十二月
十四日

孫九歲
丁亥七
月二十
五日

再服三帖

殞泄

章男

泄久傷脾。恐成柔症。俗所謂慢脾風。議疏補中焦。

十一月
六月十三日

茯苓塊三錢

厚樸一錢

煨肉果一錢

苡仁三錢

扁豆二錢

蓮子三錢連皮去心

廣皮炭八分

芡實三錢

木香五分

十四日

仍用通補而進之。

人參五分

厚樸八分

煨肉果一錢

茯苓塊二錢

廣皮炭八分

木香七分

苡仁二錢

薑梗八分

焦神麩八分

白扁豆三錢

半夏二錢

小茴香一錢

十六日

疏補中焦業已見效。仍不能外此法。

人參五分

厚樸八分

半夏二錢

木香八分

茯苓三錢

煨肉果半

苡仁三錢

扁豆三錢

薑 梗八分 廣皮炭八分 焦於朮一錢

十七日 神氣聲音稍健。皮熱亦覺平和。大有起色。但積虛旦晚可充。

人參五錢 蓮子二錢 肉果霜錢半 茯苓三錢

半夏二錢 木香八分 白扁豆炒二錢 廣皮錢半

山藥錢半

十八日 舌有黃苔。小便色黃。微有積。皆脾虛不運之故。且暫停參藥。加宣絡法。

茯苓三錢 厚樸一錢 煨肉果一錢 半夏二錢

雞內金一錢 白朮仁二錢 蓮子去心二錢 木香七分

生苡仁三錢 生於朮一錢 廣皮炭八分

十九日 大便有不化形。思乳食。為血肉有情。應於疏補之中。加消血肉積者。

雞內金炒一錢 查炭一錢 廣皮炭一錢 茯苓塊三錢

煨肉果一錢 苑麵炭八分 木香七分 川樸錢半

白朮仁三分 生苡仁三錢

二十日 脾虛火衰。則食物有不化之形。肝腎與衝脈伏寒。怒甚則疝痛。

小茴香 二錢

生苡米 三錢

木香 一錢

黑查炭 錢半

煨肉果 錢半

製茅朮 一錢

茯苓 一錢

廣皮炭 八分

白朮仁 五分

青皮 六分

烏藥 八分

二十二日 補下通中

小茴香 錢半

生苡仁 錢半

人參 三分

查炭 八分

煨肉果 一錢

茯苓 三錢

製茅朮 八分

白朮仁 五分

木香 六分

張男 八個月

泄瀉四五日。暑邪深入下焦。頭熱如火。手冷如冰。謂之暑厥。羸瘦難堪。脈遲緊。未必得愈。姑立方以救之。先與紫雪丹五分。三次服。

猪苓 二錢

製蒼朮 一錢

澤瀉 一錢

茯苓 二錢

桂枝木 一錢

廣皮炭 七分

白扁豆 一錢

木香 七分

略有轉機。然終可畏也。

猪苓 二錢

白扁豆 錢半

澤瀉 錢半

半夏 錢半

生苡仁 三錢

廣木香 八分

茅朮炭 一錢

厚樸 六分

孟十五歲
八月初八日

廣皮炭五分

伏暑泄瀉。加以停食。欲瀉腹痛。瀉後痛減。防成滯下。與五苓散加消食。照細弦而緩。

桂枝三錢

雲苓皮五錢

查炭二錢

蒼朮炭三錢

神麴四錢

小枳實二錢

猪苓三錢

廣皮炭四錢

川椒炭二錢

澤瀉三錢

一月後復診。病已大愈。善後方與調和脾胃。

咳嗽

郭男
八歲
癸亥七月十一日

咳而嘔。胃咳也。痰涎壅塞。喘滿氣短。

半夏三錢

小枳實一錢

陳皮一錢

杏仁二錢

蘇梗二錢

生苡仁三錢

生薑二錢

茯苓三錢

即於前方內加

苦葶藶子錢半

半夏二錢

蘇子二錢

吳鞠通醫案 卷五 咳嗽

二十日

去蘇梗再服二帖。
小兒脾虛。溼重胃咳。

葦半夏六錢

焦 麴二錢

小枳實 錢半

杏 泥三錢

旋覆花三錢
絹包

蘇子霜 錢半

茯苓三錢

生白扁豆三錢

生苡仁五錢

生薑汁 每次沖

即於前方內加

廣 皮二錢

杏 仁二錢

蘇子霜 錢半

去 神 麴

十帖。

吳 三歲
八歲

三幼孩連咳數十聲不止。八歲者且紐。與千金葦莖湯。加苦葶藶子三錢。有二帖愈者。有三四帖愈者。第三四帖減葶藶之半。紐者加白茅根五錢。

文 四歲

幼孩噎咳數十日不止。百藥不效。用千金葦莖湯。加苦葶藶二帖而愈。春風噎咳。醫用麻黃向外發法。又用訶子白果百合向內收。以致噎不可

周 女 十歲

解。吐出者皆血沫。用金沸草湯。三帖而愈。三月間春溫。噎咳見吐。現在六脈弦細。五更丑寅卯時。單聲咳嗽甚。謂之

劉

十七歲
乙酉五
月二十
四日

二十八
日
六月初
二日

李女
四歲己
丑二月
初十日

十二日

木扣金。鳴風本生於木也。議辛甘化風。甘涼柔木。

苦桔梗三錢

連翹三錢

銀花二錢

甘草二錢

薄荷一錢

鮮蘆根三錢

桑葉三錢

麥冬三錢

細生地三錢

茶菊三錢

天冬一錢

咳嗽減。食加。脈猶洪數。左大於右。效不更方。再服四五帖。

木扣金鳴。與柔肝清肺已效。左脈洪數已減。與前方去氣分辛藥。加甘潤。

沙參三錢

玉竹三錢

麥冬三錢

冰糖三錢

風溫夾痰飲喘咳。肚熱太甚。勢甚危急。勉與宣肺絡。清肺熱法。

生石膏二錢

杏仁五錢

黃芩三錢

苦葶藶三錢

蘆根五錢

風溫夾痰飲喘咳。

生石膏二兩

杏仁四錢

冬瓜仁三錢

蘆根五錢

茯苓皮三錢

苦葶藶三錢

煮三小杯。分三次服。服二帖。燒熱退。

吳二十歲

六脈弦勁。有陰無陽。但嗽無痰。且清上焦氣分。

甲子四月二十

桑葉三錢

生扁豆三錢

玉竹三錢

冰糖三錢

四月

麥冬三錢

沙參三錢

杏仁三錢

連翹錢半

茶菊三錢

四帖。

二十六日

於前方內。去連翹。加

丹皮二錢

地骨皮三錢

陳四十歲
丙戌正月十三日

咳嗽起於前年九月。夏傷於溼。伏暑遇新涼而發之咳。症本不大。後因誤補封固。邪已難出。又用桑皮末用地骨引邪入腎。按腎為封藏之臟。誤入者永難再出矣。身熱得補藥汗解。而足心之熱總不解。是其確證也。現在咳而嘔。六脈弦細而數。陰陽兩虛也。勉照胃咳方法。先能得穀。建立中焦。假如胃旺。或有生機。常吐血一二口。中有瘀滯。亦係久病絡傷。季脅作痛。肝經部分應加宣絡降氣。

葦半夏六錢

蘇子霜錢半

桃仁三錢

雲苓八錢
可加至兩許

陳十六歲

降香末二錢 廣皮炭三錢 薑汁每杯沖三錢 煮三杯分三次服。此症楊湯止沸而已。斷難釜底抽薪。少年而體質本弱。六脈弦細而軟。五更咳嗽。時而吐血。應照陽虛夾飲吐血論治。又勞者溫之治法。與小建中湯加茯苓半夏。

白芍六錢

薑半夏三錢

生薑片三大

桂枝四錢

雲苓五錢

膠飴化入

炙甘草三錢

大棗去核

多服為妙。

某十三歲

五更空咳。木叩金鳴。本用柔藥柔肝。茲兩脅痛。中有怒鬱。痰滯。法當活絡。

新絳紗三錢

蘇子霜二錢

廣皮二錢

旋覆花包

降香末二錢

薑半夏五錢

歸鬚三錢

鬱金二錢

青皮錢半

香附三錢

頭痛

趙氏

六脈弦而遲。沉部有。浮部無。顛頂痛甚。下連太陽。陽虛內風眩動之故。

五十五歲
乙丑三月十八日

初十日

辛甘為陽一法也。辛甘化風二法也。兼補肝經之正三法也。服二帖。陽虛頭痛愈後用耆建中。

| | | | |
|------|-------|------|-------|
| 桂枝六錢 | 白芍三錢 | 生耆六錢 | 炙甘草三錢 |
| 川芎一錢 | 全當歸二錢 | 生薑五錢 | 大棗三枚 |
| 膠飴五錢 | | 生 | |

| | | | |
|------|------|------|------|
| 白芍六錢 | 桂枝四錢 | 生薑三片 | 生耆五錢 |
|------|------|------|------|

| | | |
|-------|------|------|
| 炙甘草三錢 | 大棗二枚 | 膠飴五錢 |
|-------|------|------|

少陽頭痛。本有損一目之弊。無奈盲醫不識。混用辛溫。反助少陽之火。甚至有用附子雄烈者。無奈乎醫者盲。致令病者亦盲矣。况此病由於伏暑發瘧。瘧久不愈。抑鬱而起。肝之鬱勃難伸。肝愈鬱而膽愈熱矣。現在仍然少陽頭痛未罷。議仍從少陽膽絡論治。

| | | | |
|------|-------|-------|-------|
| 桑葉三錢 | 茶菊三錢 | 羚羊角三錢 | 青箱子二錢 |
| 鉤藤二錢 | 丹皮三錢 | 麥冬五錢 | 麻仁三錢 |
| 桔梗三錢 | 生甘草錢半 | 刺蒺藜五錢 | 苦丁茶一錢 |

陳三十三歲
乙丑十月二十日

少陽風動。又襲外風為病。頭偏左痛。左脈浮弦而數。大於右脈一倍。最有損一目之弊。議急清膽絡之熱。用辛甘化風方法。

羚羊角三錢

茶菊三錢

桑葉三錢

苦桔梗三錢

生甘草一錢

丹皮五錢

青箱子二錢

薄荷二錢

刺蒺藜二錢

鈎藤二錢

水五杯。煮取兩杯。分二次服。渣再煎一杯服。日二帖。

二十五日

於前方內加

木賊錢半

蕤仁三錢

減薄荷錢四

頭痛眼蒙甚

十一月初八日

於前方內加

蕤仁

麥冬

白茅根

章四十三歲

紐血之因。由於熱行清道。法當以清輕之品。清清道之熱。無奈所用皆重藥。至頭偏左痛。乃少陽膽絡之熱。最有損一目之患。豈熟地桂附鹿茸所可用。悖謬極矣。無怪乎深痼難拔也。勉與清少陽膽絡法。當用羚羊角散。

以無羚羊故不用。

苦桔梗一兩

苦丁茶三錢

連翹八錢

甘草四錢

鉤藤六錢

銀花八錢

桑葉一兩

丹皮八錢

薄荷二錢

茶菊五兩

白蒺藜一錢

共為細末。每服二錢。日三次。每服白扁豆花湯調。外以豆漿一擔。熬至碗許。攤貼馬刀患處。以化淨為度。必須鹽酒點之。做豆腐水。並非可吃之豆腐漿。

附有一人。素有肝鬱痰火。項間致成馬刀。外用蒲黃夏布貼患處。內服元參貝母牡蠣為丸。百日收功。

二十七日
五月初二日

復診症小效。脈尚仍舊。照前清少陽膽絡方。再服二三帖。俟大效後再議。此時無扁豆花為引。改用鮮荷葉邊煎湯為引亦可。少陽絡熱。誤用峻補。陽氣以致頭目左半麻木發癢。耳後癰腫。發為馬刀。現在六脈沉洪而數。頭目中風火相扇。前用羚羊角散法。雖見小效。而不能大愈。議加一煎方。暫清腦戶之風熱。其散方仍用勿停。

苦桔梗

側柏葉炭

荷葉邊一枚

辛夷

生苓

黑山梔五錢 便瀉去之大

蒼耳子炒

桑葉

連翹連心

茶菊

六月初三日

細閱病狀。由少陽移於陽明。加

生石膏一兩

知母三錢

葛根三分

十二日

偏頭痛係少陽膽絡病。醫者誤認為虛。而用鹿茸等峻補其陽。以致將少陽之熱移於陽明部分。項腫牙痛。半邊頭臉腫痛。目白睛赤。且閉不得開。如溫毒狀。舌苔紅黃。六脈沈數有力。議與代賑普濟散。急急兩清少陽陽明之熱毒。

十六日

代賑普濟散十包。每包五錢。用鮮蘆根煎湯。水二杯。煮成一杯。去渣先服半杯。其下半杯噙化。得涎涎即吐之。一時許再煎一包。服如上法。舌黃更甚。脈猶數。腫未全消。目白睛赤。自下而上。其名曰倒垂簾。治在陽明。不比自上而下者。治在太陽也。

代賑普濟散。每日服五包。嚥下大半。漱吐小半。每包生石膏三錢。煎成一

小碗服二日。外以不去心麥冬一兩。分二次煎。代茶。今日偏頭痛甚。且清少陽之絡。其消腫之普濟散加石膏。午前服一包。餘

十八日 時服此方。三次三杯。

羚羊角一錢

丹皮一錢

銀花一錢

犀角八分

茶菊一錢

刺蒺藜六分

凌霄花一錢

鈎藤六分

苦桔梗八分

桑葉一錢

連翹一錢

生甘草四分

兩杯半水煎一杯。頓服之。日三帖。

二十日

大便結。加元參二錢。糖則去之。

二十三日

經謂脈有獨大獨小。獨浮獨沈。斯病之所在也。茲左關獨大獨浮。膽陽太旺。清膽絡之藥。已服過數十帖之多。而膽脈尚如是之旺。絡藥清輕上浮。服至何日是了。議膽無出路。借小腸以爲出路。小腸火腑。非苦不通。暫與極苦下奪法。然此等藥可暫而不可久。恐化燥也。

洋蘆薈二錢

龍膽草三錢

胡黃連二錢

真雅連二錢

麥冬五錢
不去心

丹皮五錢

秋石一錢

二十六日

前方服二帖。左關獨大。獨浮之脈已平。續服羚羊角散一天。目之赤縷大退。其耳後之馬刀。堅硬未消。仍服代賑普濟散。日四五次。

七月初一日

脈沈數。馬刀之堅結未消。少陽陽明經脈受毒之處。猶然牽拉板滯。議外面改用水仙膏敷患處。每日早服羚羊角散一帖。已午後服代賑普濟散四包。

初九日

服前藥。喉嚨較前清亮。舌苔之黃濁。去其大半。脈漸小。仍數。裏症日輕。是大佳處。外症以水仙膏拔出黃瘡少許。毒氣仍未化透。仍須急急再敷。務期拔盡方妙。至於見功遲緩。乃前此誤用峻補之累。速速解此重圍。非旦晚可了。只好寧耐性情。寬限令其自化。太緊恐致過剛則折之虞。前羚羊角散。每日午前服一帖。午後服代賑散四包。分四次。再以二三包煎湯漱。口以護牙齒。

十七日

數日大便不爽。左脈關部復浮。瘡口痛甚。再用極苦以瀉小腸。加芳香活絡定痛。

洋蘆薈二錢

乳香三錢

生大黃酒炒黑

真川連二錢

沒藥二錢

歸尾三錢

龍膽草三錢

秋石三錢

胡黃連三錢

銀花五錢

麥三小杯。分三次服。得快大便。一次即止。

十八日

馬刀雖潰。少陽陽明之熱毒未除。兩手關脈獨浮。氣大旺。於清少陽陽明絡熱之中。兼疏肝鬱。軟堅化核。

苦桔梗三錢

桑葉三錢

海藻二錢

銀花三錢

丹皮五錢

凌霄花三錢

連翹三錢

生香附三錢

夏枯草三錢

茶菊三錢

二十五日

馬刀以誤補太重而成。為日已久。一時未能化淨。以畏疼停止。水仙膏之故。舌上白苔。浮面微黃。其毒尚重。現在胃口稍減。木來尅土之故。於前方加宣肝鬱。

苦桔梗二錢

桑葉三錢

香附二錢

銀花三錢

丹皮炭三錢

連翹三錢

鬱金二錢

茶菊三錢

二十八日

仍以代販普濟散。漱口勿嚥。

肝鬱誤補。結成馬刀。目幾壞。現在馬刀已平其半。目亦漸愈。脈之數者已平。惟左關獨浮。其性甚急。肝鬱總未能降。胃不甚開。胸中飯後覺痞。舌白滑微黃。皆木旺尅土之故。敗毒清熱之涼劑。暫時停止。且與兩和肝胃。

新絳紗三錢

莖半夏三錢

歸 鬚二錢

旋覆花包三錢

廣皮炭二錢

降香末錢半

蘇子霜錢半

丹 皮三錢

鬱 金二錢

八月初九日

少陽相火。誤補成馬刀。原應用涼絡。奈連日白苔太重。胃不和。暫與和胃。現在舌苔雖化。納食不旺而嘔。未可用涼。恐傷胃也。於前方減其治。

新絳紗三錢

丹 皮三錢

生薑汁三匙

旋覆花包三錢

鬱 金二錢

黃芩炭二錢

半 夏五錢

仍用普濟散漱口。

初六日

於前方內去黃芩加

香 附三錢

廣皮炭二錢

初八日 肝移熱於腦下。為鼻淵。則鼻塞不通。甚則衄血。議清腦戶之熱。以開鼻塞。兼宣少陽絡氣。外有馬刀故也。

蒼耳子 炒二錢

連翹 二錢

桑葉 三錢

辛夷 炒去毛

銀花 二錢

茶菊 三錢

十二日

加旋覆花 三錢

鬱金 二錢

疏肝鬱加

薑半夏 二錢

止嘔

十六日

馬刀已出大膿。左脅肝鬱作痛。痛則大便。日下六七次。其色間黃間黑。時欲嘔。有大瘕泄之象。與兩和肝胃。

旋覆花 包三錢

薑半夏 四錢

薑汁 三匙

絳紗 三錢

真降香末 三錢

香附 三錢

歸鬚 二錢

黃芩 炒二錢

鬱金 二錢

焦白芍 三錢

廣皮炭 三錢

十九日

外症未除。內又受伏暑成痢。舌白苔黃滑。小便不暢。大便五七次。有黑有白。便又不多。非積滯而何。不惟此也。時而嘔水與痰。胃又不和。內外夾攻。何以克當。勉與四苓合苓芍法。

二十四日

病由膽而入肝。客邪已退。所見皆肝膽病。外而經絡。內而臟腑。無所不病。初診時。即云深痼難拔。皆誤用大熱純陽之累。所謂雖有善者。亦無如之何矣。再勉與瀉小腸。以瀉膽火法。

猪苓三錢

廣皮三錢

木香二錢

澤瀉三錢

白芍三錢

降香末二錢

雲苓皮五錢

黃芩二錢

紅芍二錢

薑半夏五錢

真雅連三錢

二十六日

脈少大而數。加

茶菊三錢

真雅連三錢

連翹三錢

烏梅三錢

龍膽草三錢

黃芩三錢

半夏三錢

桑葉三錢

竹茹三錢

二十九日

脈仍數。肝膽俱病。不能純治一邊。

苦桔梗三錢

雲苓皮三錢

銀花三錢

連翹三錢

麥冬五錢

雅連五錢

銀花三錢

黃芩六分

烏梅三錢

桑葉三錢

半夏三錢

九月十日

雲 苓三錢 茶 菊三錢

前方服十一帖。胃口大開。舌苔化盡。肝氣亦漸和。惟馬刀核未消盡。鼻猶塞。唇猶強。變經爲軌。脈弦數。大便黑。又於原方內去護土之剛藥。加入腦戶之絡藥。蓋由風熱蟠聚於腦戶。故鼻塞而經或軌。誤補而邪不得出也。

苦桔梗三錢 蒼耳子炒三錢 烏梅三錢 人中黃錢半

辛夷三錢 茶菊三錢 連翹心三錢 黃芩二錢

麥冬五錢 銀花三錢 真雅連一錢 桑葉三錢

龍膽草一錢

十九日

閱來札。前方服七帖。肺胃之火太甚。議於原方加生石膏一兩。杏仁二錢。開天氣以通鼻竅。清陽明以定牙痛。如二三帖不效。酌加石膏。漸至二兩。再敷水仙膏以消核之未盡。

二十八日

右脈洪大而數。渴欲飲水。牙牀腫甚。陽明熱也。於前方內加石膏一兩。共二兩。銀花五錢。共八錢。桑葉二錢。共五錢。如服三五帖後。腫不消。加石膏至四兩。

富氏
二十五歲
何氏
四十歲

巔頂一點痛。畏燈光日光如虎。脈弦細微數。此厥陰頭痛也。與定風珠三劑而愈。
陽虛頭痛。背惡寒。脈弦緊甚。與黃耆建中。加附子三帖而痛減。脈稍和。又每日服半帖。四日而愈。

胃痛

伊氏
三十歲
甲子
十月二十
七日

脈弦急。脅脹攻心痛。痛極欲嘔。甫十五日而經水暴至甚多。幾不能起。不欲食。少腹墜脹而痛。此怒鬱傷肝。暴注血海。肝厥犯胃也。議胞宮陽明同治法。蓋金匱謂胞宮累及陽明。治在胞宮。陽明累及胞宮。治在陽明。茲因肝病下注胞宮。橫穿土位。兩傷者兩救之。仍以厥陰為主。雖變金匱之法。而實法金匱之法者也。

製香附三錢

烏藥二錢

半夏五錢

艾炭三錢

鬱金二錢

黃芩炭一錢

小茴炭二錢

血餘炭三錢

青皮八分

五靈脂錢半

二十九日

五杯水煎兩杯分二次服。二帖大效。
金匱謂胞宮累及陽明則治在胞宮。陽明累及胞宮則治在陽明。茲肝厥既克陽明。又累胞宮。必以厥陰為主。而陽明胞宮兩護之。

製香附三錢 淡吳萸二錢 半夏五錢 草薢二錢

川楝子三錢 艾炭錢半 小茴香三錢 烏藥二錢

黑梔子三錢 桂枝三錢 杜仲炭二錢

水五杯煎取兩杯分二次服。

脈雙弦而細肝厥犯胃以開朗心地要緊無使久而成患也。

半夏六錢 青皮錢半 生薑三錢 廣皮錢半

淡吳萸二錢 烏藥二錢 川椒二錢 鬱金二錢

川楝子皮二錢 降香末三錢

水五杯煮取兩杯二次服三帖。

肝厥犯胃濁陰上攻萬不能出通陽泄濁法外。但分輕重耳。前三方之所以不大效者。病重藥輕故也。茲重用之。

王氏二十六日

伊氏二十一歲十一月二十九日

十一月初四日

川椒炭五錢

夏薑五錢

小枳實三錢

川樸三錢

半夏五錢

烏藥三錢

淡吳萸五錢

雲連一錢

兩頭尖者三錢不用

降香末三錢

甘瀾水八碗。煮取三碗。分六次。

二帖。

初六日

重剛刮濁陰。業已見效。當小其製。

川椒炭三錢

夏薑三錢

烏藥二錢

半夏三錢

小枳實三錢

青皮二錢

廣皮錢半

厚樸二錢

甘瀾水八碗。煮取二碗。分二次服。

二帖。

車

脈沉弦而緊。嘔而不渴。肢逆且麻。濁陰上攻厥陰。尅陽明所致。急宜溫之。

烏藥三錢

半夏五錢

淡吳萸五錢

川椒炭三錢

川樸三錢

乾薑三錢

華撥二錢

小枳實三錢

青皮二錢

頭煎二杯。二煎一杯。分三次服。

脾胃

許四十七歲
癸亥二月二十日

脈弦而緊。弦則木旺。緊則為寒。木旺則土衰。中寒則陽不運。土衰而陽不運。故吞酸噯氣。不寐不食。不飢不便。九竅不和。皆屬胃病。濁陰蟠踞中焦。格拒心火。不得下達。則心熱如火。議苦辛通法。

小枳實三錢

淡吳萸三錢

半夏一兩

真雲連二錢

生苡仁五錢

廣皮二錢

厚樸三錢

生薑六錢

甘瀾水八碗。煎成三碗。分三次服。渣再煎一碗服。

六脈陽微。濁陰蟠踞。不食不飢。不便利。用和陽明兼驅濁陰法。今腹大痛。已歸下焦。十餘日不大便。肝病不能疏泄。用驅濁陰通陰絡法。又苦辛通法。兼以濁攻濁法。

二十四日

淡吳萸三錢

小枳實二錢

川棟子三錢

小茴香三錢

雄鼠糞三錢

廣皮錢半

烏藥一錢

夏薑二錢

川樸三錢

檳榔二錢

以得通大便為度。

服以濁攻濁法。大便已通。但欲便先痛。便後痛減。費之絡中宿積未能通。

二十七日

某

清。臍上且有動氣。又非湯藥所能速攻。攻急恐有瘕散為蠱之餘。議化瘕
回生丹。緩攻為妙。
脈沈緊為裏寒。木旺土衰。濁陰上攻。腹拘急時痛。脅脹。腰痛。宜苦辛通法。
兼醒脾陽。

某

白蔻仁一錢。官桂一錢。川樸二錢。半夏三錢。
生苡仁三錢。薤白一錢。檀梗三錢。木香八分。
生香附三錢。廣皮錢半。鬱金二錢。烏藥二錢。
脈弦細而緊。濁陰上攻。胸痛。用辛香流氣法。

淡吳萸三錢。小枳實二錢。木香一錢。川樸二錢。
川棟子三錢。廣皮二錢。檳榔錢半。薤白二錢。
烏藥二錢。夏薑三錢。
三帖。

初八日

補火生土。兼泄濁陰。

淡乾薑二錢。半夏三錢。淡吳萸二錢。烏藥二錢。

茯苓塊三錢

生苡仁三錢

廣皮錢半

益智仁錢半

四帖

李十三歲
五月十四日

六脈俱弦。不浮。不沈。不數。舌苔白滑。不食。不飢。不便。不寐。九竅不和。皆屬胃病。臥時自覺氣上阻咽。致令臥不着席。此肝氣之逆也。額角上有蟲斑。神氣若昏。目閉不欲開。視不遠。醫云有蟲。亦復有理。與兩和肝胃。如再不應。再議治蟲。

半 夏一兩

旋覆花包五錢

秫米一合

二十日

六腑不通。九竅不和。醫者不知六腑為陽。以通為補。每見其二便閉也。則以大黃蕤仁寒藥下之。以後非下不通。屢下屢傷。遂致神氣若昏。目閉不開。脈弦緩而九竅愈不通矣。已成壞症。勉與通陽。

廣皮三錢

川樸三錢

白藳仁二錢

半夏三錢

大腹皮三錢

雞內金炒二錢

雲苓皮三錢

益智仁二錢

二十三日

六腑閉塞不通。有若否卦之象。按否之得名。以坤陰長陽消之候。將來必致上下皆坤而後已。坤為腹。故腹大無外。坤為純陰。初爻變震為復。然則

欲復其陽。非性烈如震者不可。豈大黃等陰寒藥所可用哉。

天台烏藥散二錢。加巴豆霜二分。和勻分三分。先服一分。候五時不便。再服第二分。得快便。卽止。

二十四日
服一次於五時得快便。宿物下者甚多。目閉已開。神氣亦清。稍食粥飲。知頑笑矣。

二十五日
六腑不通。溫下後大便雖通。而小便仍然未解。心下窒塞。不肌不食。六腑弦遲。急急通陽爲要。與開太陽闔陽明法。

川椒炭三錢 澤瀉三錢 公丁香一錢 半夏五錢

廣皮三錢 猪苓三錢 雲苓皮五錢 良薑二錢

安南桂一錢

六月初一日
太陽
大便已能有解。胃能進食。是陽關已闔。惟小便不通。是太陽不開。與專開

桂枝三錢 雲苓皮五錢 猪苓三錢 安邊桂錢半

澤瀉三錢 滑石三錢 蒼朮炭二錢 鹽砂三錢

麥三杯。分三次服。以小便通為度。若小便已通。而尚渾濁者。再服一帖。以小便清為度。

初六日

服前方二帖。小便暫通。連日大小便復閉。大便閉已七日。自覺胃中痞塞。臉上蟲斑未退。議用前配成之烏藥散。再服四分。如二便俱通。即停藥。統俟初八日清晨。再商。如大便通一次。而小便不通。或竟不通。明日再服三分。若大便二三次。而小便仍不通者。即勿服。

初八日

服烏藥散四分。內巴霜四厘。已得快便。今早且能自行小便。六腑俱通矣。只與和胃。今能進食。可以收功。蓋十二經皆取決於膽。皆秉氣於胃也。

半

夏三錢

雲苓塊四錢

益智仁一錢

廣皮炭二錢

生苡仁五錢

生薑五錢

慶寶
十六歲

不食十餘日。諸醫不效。面赤脈洪。與五汁飲。降胃清陰法。兼服牛乳。三日而大食矣。

梨汁

藕汁

蔗汁

蘆根汁

葶薺汁

溫熱愈後。午後微熱不除。脈弦數。面赤。五汁飲三日。熱退進食。七日全愈。

吳鞠通醫案終

吳鞠通醫案 卷五 脾胃